



# Tuhaqtidjutikhaq

Tuhaqtitauhainnaqtukhaq

## **Nunavut Kavamanga (GN) ukuallu Qikiqtaani Inuit Katimajiit (QIA) sainiqtuk Titiraqmik Tukhimaqatigiigutimik pivallialiurutikhakkut iliharnikkut aturutikhanik**

**IQALUIT, Nunavut (June 4, 2021)** – Ublumi, Ilinniaqtuliqijikkut Havagvia unalu Qikiqtaani Inuit Katimajiit (QIA) sainiqtuk titiraqmik tukihimaqatigiigutimik (MOU) pidjutiqatigiikhutik atauttikkut piliurnirnirik iliharinnikkut aturutikhanik tunnganiqaqtunik Inuit pitquhiinnik uqauhiinnilu. Una Titiraq Tukihimaqatigiiguti ikajuutaujuq hakugigharnikkut pitquhikkut kinaunikkut Inuktullu uqauhiani ajuirhimajakhanik ilihalihaaliqtunun nutaqqanun, K-12 ilihagtunun, inirninullu ilihagtunun Nunavunmi.

“Ilinniaqtuliqijikkut Havagvia pijumajuq havaqatigilugi QIA-kut pipkainikkut iliharnikkut pinahuarutit aturutikhallu akhuuqtait Inuit uqauhiit pitquhiillu ilihagtunun nunallaanullu, “uqaqtuq Minista Ilinniaqtuliqijikkut David Joanase. “Havagatigiingnikkut atauttikkut, pipkaijaqtugun Inuit uqauhiit, kinajuaakhani pitquhiillu aullarikhimmaaqtukhat taimaatun pidjutiqaqtukkut pijumaniqarlutiklu nutaqqanun inulrammiinnullu.”

Una Titiraq Tukihimaqatigiiguti hakugikhaqtaa tahamaniittuq havaqatigiiguti Ilinniaqtuliqijikkut Havagviani uumanilu QIA-kunni ihuarhainikkut iliharnikkut aturutikhanik pivallialiurnirnirik havaktakhanik ukunani atauttikkut pijumajaitigun. Una Titiraq Tukihimaqatigiiguti naunaijaffaaqtaa Havagviup havagutaa naunaijaqhimajunilu munarijakhat mighaagun pivallialiurnikkut, piliurnikkut tuniurhainikkullu iliharnikkut aturutikhanik.

“Una angirutit tautuktittuq angijumik qanuriliurutik QIA-kut havakhimmaarutainni aullarikhaqtiffaarnikkut Inuit pitquhiinnik tamaani avikturhimaniptikni,” uqaqtuq QIA Atanngujaq P.J. Akeegok. “Niriuktugun havaqatigiigiami ukuat Ilinniaqtuliqijikkut Havagvia pipkainikkut nakuujumik hivunikhamik nutaqqaptiknun.”

###

**Tuhaqtidjutinun apirhuutinun, uqaqatigilugu:**

Troy Rhoades  
Atanngujauullaktuq, Tuhaqtipkaijit  
Ilinniaqtuliqijikkut Havagvia  
Nunavut Kavamanga  
867-975-5680  
[trhoades@gov.nu.ca](mailto:trhoades@gov.nu.ca)

Will Hopkins  
Aulapkaijiullaktuq, Tuhaqtipkaijit  
Tuhaqtipkaijit Havagvia  
Qikiqtani Inuit Katimajit  
867-975-8413  
[whopkins@qia.ca](mailto:whopkins@qia.ca)